

12  
S A C R A

EXQVILIARVM NIVIVM

METAMORPHOSIS

CARMINE DICTA

IN ECCLESIA S. MARIAE IN CAMPITELLO

A


MARCELLO CREMONA

Congregationis B. Mariæ ad Niues Sodali.

Ad Eminentiss. & Reuerendiss. Principem

C A E S A R E M  
R A S P O N I V M

S. R. E. CARDINALEM AMPLISSIMVM.



ROMAE, Ex Typographia Michaelis Herculis. MDCLXXI.

*Superiorum permissu.*

ETOVIVAM NIVIM

212C8A0R80212

1740 THE 1741

ON THE 1741

CASE 2 A R 1

MAR 21 1741

R 1741

CASE 2 A R E M

R 1741

1741

1741

1741

1741

1741

1741

1741

1741





EMINENTISS. PRINCIPI

C A E S A R I

S. R. E. CARDINALI

R A S P O N I O

M A R C E L L V S C R E M O N A

F. P:



V M sacrae huic METAMORPHOSI,  
tenuissimae Musae meae ludicro, Pa-  
tronum quaero, FORTVNA illa quam  
ex MALA, innocenti Exquiliarum  
Niuum Veneficio, in BONAM con-  
uersam fuisse assimulo, Te mihi per-  
opportunè exhibet, E. P. Neque verò hìc prolixiori  
precum ambitu Te mihi prestandum esse existimo,  
cùm nequaquam talem esse credam, qui (vt de Sici-  
liae illo Praetore Romanae eloquentiae Parens faceretè ma-  
gis,

gis; quàm verè pronunciauit) *Fortunam Bonam domi tue habere nolis*. Imò certò certius scio, ambabus Gentilitij Stemmatis Tui manibus, illam suscipies, amplectèris, & ne dum DOMI, sed vel sinu fouebis. Sunt quidem hæ Leonis; at nihil Leonis habent, nisi Clementiam, ac Liberalitatem. Quamobrem tutissima inter innoxios earum vngues, nec rugitu territa, nec dentibus tentata (nimirum Tantus est Tuus Leo. vt ex vnguibus tantùm possit agnosci) BONA hæc mea FORTVNA commemorabitur.



SACRA  
EXQVILIARVM NIVIVM  
METAMORPHOSIS:

CARMEN;



Ronior in casus tandem Fortuna Triumpho  
VIRGINIS accedet: vitreum melioribus orbē  
Conteret auspicijs, Latialis perfida Regni.  
Huc rapit hærentem Phœbus, iā corde furores  
Magna tonaturū extimulant, agit ipsa choræas

Tempora Melpomene fulvis redimita corymbis.

Aut levis arguti supremo à vertice Pindi

Plauferit in numerum, Zephyris motantibus, arbos

Phocidos, aut trepidum murmur meditata sub antro

Garrula Pimplæis colluserit vnda Camænis;

Vnda mihi Versus, Versus mihi personat aura.

Ergo age, mutatum infaustæ Rhamnufidis Orbem,

Conuersasque vices rerum NIVIS inter, & ignis

Prodigia, & Romæ iam candida secla canamus.

Exquilij decliue iugum, qua parte procellis

Vapulat alpinis, Vrsæque afflatibus alget,

Incoluit quondam posito, Fortuna, Sacello;

Cui mala cognomen formidinis addidit error.

Tetrior est illi facies, tegit horrida frontem

Fulminibus nubes, & diris fœta procellis.

Cura supercilium contraxit, vtrunque sub ipso

Sanguine

Sanguine flammantes oculi miscentur, & igni.  
 Atque os, atque acies, atque omnis forma furemtem  
 Indicat; haud vnquam nocitura pondera torpent  
 Sæua manus, super illa metus, super aggerat iras,  
 Conscia quòd solus fecit sibi Numina terror.  
 Ergo profanatis olim confederat Aris  
 Numinis hoc monstrum; tercentum exegerat annos;  
 Bis totidem sperabat adhuc; cum fortè per Urbem  
 Fatorum Dominus de cardine Victor Eoo,  
 Sanguine Virgineo, Diuoque afflamine cretus  
 Vulgatus, ceptusque coli, precibusque vocari.  
 Huius ad Imperium toto Mauortius orbe  
 Bellum exarmarat populus, nec Barbara Memphis,  
 Nec Tagus inuadunt collatis prælia signis.  
 Indoluit sed enim rebus Fortuna secundis;  
 Inde per Exquilij Tumulos, Arasque relictas  
 Voluitur, & mentem furijs accensa profatur:  
 Nulla ne iam nostris inducitur hostia Templis?  
 Nullus honor? nullo tinguntur sanguine cultri?  
 Despicimur, fractæque minæ, terrorque, pauorque  
 Et mala sum gratis. Quid si tranquilla iacerem?  
 Quid nisi contortis cumulare funera telis?  
 Scilicet experiar quicquid Rhamnufidis orbis,  
 Et furor, & fulmen possit. Iuuat ergo ruinas  
 Ire per aduersas: Luctentur fluctibus Euri:  
 Mergat Erytræas auido sub gurgite Gazas  
 Nauita; Me Dominam vincentibus inuocet vndis.  
 Sit grando, gelidoque ruens populetur Aristas  
 Verbere; Me Dominam ieiunus discat Arator.  
 Bella fremant, Scythicis Latium circumtonet armis,  
 Sue scat

Suescat Barbarico deuinci Marte Latinus

Duſtor ; Me Dominam ſaltem moriturus adoret .

Dixerat : extemplo famulæ glomerantur ab Orco

Eumenides ; circum exercent vaga monſtra furores .

Hinc labor , inde metus , clades , contagia , peſtes ,

Damni materies terræ , pelagique tumultus ,

Tortoresque Hydri , flammisque ſequacibus vmbra :

Ipfæ , volubilibus , Dea labitur æſta Quadrigis ,

Itque , reditque vias , & præcipitantibus Euris

Voluitur , inflectit , ſubitòque refleſcit habenas ,

Colludens reditura ſibi , ſibi que obuia ſemper

Cedit , & aduerſo relegit veſtigia motu .

Impleſſet furibunda minas , ni cardine moto

Damna cauens generi , contra impia tela furentis

Mitis , hyperboreas , armaſſet VIRGO procellas :

Namque repentino , medijs feruoribus , imbre ,

Viſa per inſidias noctis volitare ſerenæ

Vellera pura NIVIS . Candenti aſpergine ſummo

Lubricus Exquilio callis fuit . Vnda caduco

Stricta gelu fraudem molitur : ſubdola plantis ,

Falſaque plus æquo abiungens veſtigia traſtu

Nocturnum præcludit iter , lapſuque retardat :

Huc Fortuna rotas egit male ſana volucres ;

Hæc ignara doli ſors improba torſit habenas .

Virque locum tetigit , nigranti noctis in vmbra

Candida fraus patuit ; verſantur ab impete Currus ,

Alipedes labuntur equi : cadit huc , cadit illuc ,

Et caſus Dominam caſus regit . Illa furenti

Traſtans lora manu , vacuum per inane citatos

Quadrupedes veſana rapit ; ſed turbine cœco

Nimbo-



Nimboris Boream flabris dum prouocat Auster  
 Obruitor tenebris, vento pulsatur, & imbre;  
 Ingeminant hyemes, tempestatumque flagellis  
 Cæditur, ex altoque trahit peritura ruinas.

Ergo siue fretis incumbent parcius Euri,  
 Seu Lybicas impunè Tyrus peruadet arenas;  
 Nec mare Panchæas auido sub gurgite messes  
 Fluctibus inuoluet; securus Navita, VIRGO,  
 Te Pelagi Dominam plaudentibus inuocet vndis.  
 Si matutinis gemmascent roribus herbæ,  
 Ambrosiusque Polo per consita decidet imber;  
 Magnaque non magno veniet tritura labore,  
 Te Dominam, VIRGO, plenīs vocet Area culmis.  
 Vertat Ithuræum nisi Barbara cornus in arcum  
 Exitiumque ferat Latio; nisi Dacus ab Istro  
 Non suffecturi delibet Tibridis amnem;  
 Pacatus, Dominam Te VIRGO, Quirinus adoret;  
 Sors Nigra, iam NIVEIS concessit abacta procellis;  
 CANDIDA sic MARIAM fraus addecet: Ergo futura  
 Proferet auspicijs iam se melioribus ætas,  
 Atque abiurato cedens Fortuna Sacello,  
 Improba Viâtricis lambet Vestigia DIVAE.  
 Aut suspensa Tholis, Currusque, rotasque volucres,  
 VIRGINIS æternum proponet in Aede Triumphum;  
 Quo subter memorem versus Adamanta notabunt:  
*Exquiliis, Templumque olim Fortuna tenebat,*  
*Quæ nunc VIRGO tenens, celsò preponit Olympo.*

L A V S D E O.

